

民國文獻資料叢編

近代學報
彙刊



殷夢霞 李強 選編



國家圖書館出版社



殷夢霞、李強 選編

近代學報彙刊

第四十七冊

國家圖書館出版社

第四十七冊目錄

紹興醫藥學報	第十一卷第八號	一
紹興醫藥學報	第十一卷第九號	六七
紹興醫藥學報	第十一卷第十號	一三三
紹興醫藥學報	第十一卷第十一號	一九九
紹興醫藥學報	第十一卷第十二號	二六五
紹興醫藥學報	第十二卷第一號	三三三
紹興醫藥學報	第十二卷第二號	四二一
紹興醫藥學報	第十二卷第三號	四九七
紹興醫藥學報	第十二卷第四號	五七三

紹興醫藥學報

第十一卷八號

頭暈目眩胸悶氣脹胃弱不化身體輕瘦

血薄氣衰之病狀甚為衆多閣下曾覺腦筋無力睡不成寐胃失消化飲食減少身體輕瘦否如覺身體衰殘精神不濟試服韋廉士大醫生紅色補丸調補氣血可也

乃是獨一無二補血健腦之聖藥即如奉天開原李首新先生係奉天體操專修科畢業充開原南鎮大九社鎮立國民學校教員彼之證據其來函如左云

余身體素稱康健自前清光緒三十三年充任教職以來迄今十有餘年操勞過度腦筋無力心血虧耗殆盡每臨教時即覺頭暈目眩週身疲乏即臨睡尤難成寐食後胸中膨脹胃不消化飲食少進致身軀日形瘦弱面色青黃精神恍惚雖請名醫診治百藥罔效適經敝友程柴二君勸服韋廉士大醫生紅色補丸有濟世之奇功余即從其勸就近向藥房購服一瓶即覺胃部舒暢飲食進增接服數瓶之後身體轉弱為強面容肥胖精神倍加夜能安眠現下較往年身體強壯與前不同即臨教授體操亦不知倦此皆韋廉士大醫生紅色補丸之功也

韋廉士大醫生紅色補丸之功力不分男女均可服用對於婦科各症尤為靈效且專治瘋濕骨痛脚氣浮腫癢癩寒熱一切重症之後以及病後體虛均可服用凡經售西藥者均有出售或直向上海四川路九十六號韋廉士醫生藥局函購每一瓶中國大洋一元五角每六瓶中國大洋八元郵力在內

△衛生小書奉送 茲有精美衛生小書名曰何物可食如何食之如欲索取即須寄一明信片至以上所列地址原班郵送一本可也

紹興醫藥學報第十一卷第八號(原一百廿四期)目次

論文

(一) 評論(續一百二十三期)

醫宜備緊要藥品說

周 鎮

刊行醫籍爲光輝國學第一要義

周逢儒

說暑令衛生之宜慎

前 人

醫譚

胡天宗

迷信事業與衛生事業

高思潛

讀紹興醫報星期增刊感言

張汝偉

醫士道

胡天宗

學術

(一)生理衛生學要義(續一百二十三期)

潘文源譯

(二)中國胎生學

和縣高思潛

雜著

(一)醫事聞見錄(續一百二十三期)

杭州醫學公會核復杭州地方審判廳廳長公函

中華全國醫藥衛生協會會員錄(七)

浙江省長公署指令第八五三一號

浙江省取締醫生暫行規則

(二)通訊(續一百二十三期)

致無錫周小農君函

和縣高思潛

致嚴癘孫函

周鎮

致周小農函

劉峻

答劉筱雲函

周鎮

致沈仲圭君函

守真

答復周君下問

閔蒼生

國醫百家第八種簡明眼科學已出版

眼科爲醫學之專科不特病者無檢書自療之便卽內科醫家設治立方亦往往毫釐千里社友王肖舫康熒忱二君本精於是科者憫世之患眼疾者謀便利並爲業內科者謀治目方法特選眼科中善本程松崖先生遺著眼科全方集一書互相評按增圖加方各出心得抉發精微本社特刊入國醫百家以期流傳書已印就用白連史紙精印中國裝一册定價三角書印不多購請從速

紹興醫藥學報社啓

吳批醫門棒喝

本書係家刻大版用賽連紙印訂十六厚册有淮陰吳鞠通先生評語數萬言合原有各評及本文計七八萬言為吾越先輩遺著中首屈一指之大部書又屬未見流行之秘本經社友何廉臣先生序文述其概略一何序已刊本社發行百期增刊中一書早出版祇有紙印工本故此後惠購者每部大洋二圓八角外埠加郵力一角五分

竹林女科

是書久為海內人士所宗仰其立方簡要辨證精確尤為社會所嘉許是書原板早已毀於兵燹坊間所翻售者類皆斷簡殘篇不能窺其全豹今於友人處購得抄本翻印成帙內分「調經」「安胎」「保產」「求嗣」四項織悉無遺所願習是業者手此一篇祇須認證確切不妨按方施治庶使天下閨閣女流共登壽域惟出書無多購者從速每部四厚册定價大八角郵費五分

本艸思辨錄

吾越先輩周百度先生著家藏精刻本四厚册中紙中裝定價大洋八角加郵力七分五釐此書素未印行現有數十部歸本社寄售購者從速

醫宜備緊要藥品說

周鎮

古時醫家應用之藥皆屬自備自宋以後僅疏一方藥則取之肆中近世藥肆甚多然有通弊藥之奇貴及丸散之不常用者悉不願備間有備者則或以收貯之不當卽霉且爛矣甚則無者不實告缺少以僞亂真（猶憶在滬時有戚季渠母體虛肝旺挾積用更衣丸服之大泄危殊味其餘丸並不極苦乃藥店以別丸替代之誤也）服之其害可勝道哉且藥肆可靠者大都在城中鄉僻之地而遇極險惡之症將至城中取藥乎俟藥至而人已垂斃往往有之然醫生不備藥之風已久驟改之亦甚不便可先以藥品之生僻及爲肆中所無者預合密藏庶不致遇極險惡症茫然手足無措既不絕藥肆之生涯且符內經司氣備物則無遺主矣之旨然乎否乎請同道實行之

刊行醫籍爲光揮國學第一要義

周逢儒

處今四千載後而能知四千載以來之制度學術變遷相遞之迹了然於心目中者非歷代史記及後賢著述之流傳乎然歷代相遺之著述使能風行全國家弦戶誦者以削簡而易印刷歷代改良流傳進步之益也司馬遷之爲史記其言皆有深意非徒稱述功德而已也如扁鵲倉公置之列傳中其卓識誠不可及昔曾文正公論史遷扁鵲倉公傳其意以爲倉扁細民遷之繁稱累牘爲非法豈不淺之乎測史遷哉余讀歷代名醫傳未嘗不廢書而歎也自扁倉後代有明哲如張仲景者誠所謂卓然成一家之言萃衆人之長者矣同時有華陀滌腸妙術亦可資後人研究剖割治病以補湯葯所不及惜其術不傳後世雖有能此者難及其萬一耳余所重可感者吾國醫學自黃帝岐伯等後唐虞夏中尠無稱述雖有周之扁鵲漢之倉公其事詳載於史記然年移代革其所述或不能盡通其旨（如倉公之診籍等不能確解）惟仲景著傷寒雜病論一書歷晉南北朝隋唐宋遼金元明以迄於清僅寥寥數百

人耶且無著述者居大半間有僅列其人姓名里貫斯則史官失之最近爲清代耳目較近何是傳僅列數十人豈其餘皆無可取耶如吾無錫一邑明清之名醫列於邑志者亦數十人（著述亦多惜流行於世者甚少抑以醫爲細術其子若孫改而之他若祖若父之心得任其散佚抑自無資刊行以致遺失乎）他邑之志乘類此者諒不乏記載以全國計之奚啻數千萬人而傳中僅數十人者其何故乎印刷之艱成書之難交通不便社會輕視爲醫學前途障礙一大原因也然醫學一科關係一國之強弱非末技也故前賢之心得有益於學問者皆宜力謀流傳爲急務善夫日人片倉元周之言曰凡有助於救蒼生者速上木以廣其傳按日本是時印刷仍須雕版非若今之有影印排印之法而孜孜不倦舍他事不顧而惟著書刻書其志亦仁矣哉今紹興醫藥學報社本此意旨所刊行者皆前賢所述或近人名著要皆有益於醫藥學者也然發前賢所未刊之著述及已刊而失傳者一一舉行其功不

綦大歎語云藏書不如讀書讀書不如刻書讀書祇以爲己刻書可以澤人上以壽作書之精神下以惠後來之沾溉紹社同人聞此言當愈增其魄力決心而毅然不稍退懈卽吾全國之同志亦當流通醫籍爲己任則醫學庶幾蒸蒸日上而發國學之瑞光焉（刊行書籍不獨醫學爲然無論各學術皆準此凡一國之學術進步與退步消滅與光大一視印刷品多寡爲比例亦必有發明心得者爲尊貴否則陳陳相因空費紙墨而已）

說暑令衛生之宜慎

前人

昔人有言使天僅有三時而無夏則疾病且少享壽自長旨哉言乎誠以溽暑蒸騰不特起居不便稍有不慎疾病於是乎蠶湧而起故西人往往挈家避暑高山吾國勞動之人居多日謀一飽尙且不暇遑云避暑間有一二富家仿而爲之若平民甕戶蝸居不能浮瓜沈李每屆夏秋中暑伏暑等症時有所聞亦有因烈日遠行路熱

侵飢遽飲冰水或驟進瓜果以遏其暑邪有露臥納涼至於子夜更闌露冷涼透肌膚之中即發爲霍亂暑溫至秋或成伏暑瘧痢等症觀此則人處此氣交中過熱既不可貪涼亦成疾造化弄人抑何甚也然天運之循環四時之遞嬗萬物之生成終不虛設苟使有春秋冬而無夏不僅吾人絕養生之路如米豆之類而百穀之不秀不實秋收歉薄居溫帶者另換一番景象矣（錫有夏月不熱五穀不結之諺）人之受暑蘊熱熱蘊汗出故經曰暑當與汗皆出勿止言暑日當汗勿反止之遏熱於內令其甚也夫夏暑多病皆人背其養生之道而致非天時之過也誠能熱極不以冷遏納涼夜不露臥庭中口不嗜瓜果油膩勿雜進常以節飲食慎興居未雨綢繆明哲保身則以上諸疾或可却之矣

按暑疾天日與地濕交相而成故向西之室日射最熾而以樓居爲最熱古云夏不登樓良有以也又穢濕之地濕熱薰蒸人處其中口鼻呼吸其熱弊亦至多生

危險癘疫是以居室宜以有窗樞流通空氣涼爽爲尙至卑濕之地常洒石灰或藥水以滅黴菌此亦夏日衛生者所宜知也

醫譚

歙縣胡天宗

醫道與儒道相爲流通者也通乎儒不通乎醫容可已斷未有通乎醫而不通乎儒者也徒通乎醫者庸工也兼通乎儒者上工也世以醫名者志醫非志儒曷可言醫耶古醫難而今反易今醫著而古醫反晦矣良可慨也

任醫須擇賢者而於危急之際尤不可苟宵小之輩本來無術妄術己長好翻人案不幸遇之多致惑亂是非生命關係不淺一知半解本無真見只認皮毛鼓事外之口吻撓反掌之安危東垣謂之病魔危急之際庸妄偏多疑似之秋紛紜錯亂一着之謬疾如斷弦甚可畏也

病之生也匪伊朝夕寒暑傷形苦竭心思於名利作息無度忍飢竭蹶以圖謀勉強

妄作暗消磨於神疲力盡之中疾病顛危多傷殘於無術庸醫之手

病有緩急效有遲速以遲病求速效則速欲易醫易醫則甚多而高明甚少庸淺誤事少不勝多事必敗

孔子慎疾可怪世間多有病人親友故舊交遊接踵問疾者其人曾不經事不讀方書未精醫理胸中了了詐作明能談說異端或言虛或道實或云風或說氣紛紛謬論種種不同破壞病人心意不知孰是孰非遷延未就時不待人歛然致禍羣然鉗口此段情態今時尤甚可不畏哉

迷信事業與衛生事業

和縣高思潛

每年到七八月，各地方，不是都要舉行甚麼打醮出會等例典嗎？推原他們的心理，是以爲這種事業，有保平安，驅疫鬼的偉大能力，所以就不惜虛糜鉅款。其實他們的思想，錯了！大錯了！